



KEMENTERIAN PELANCONGAN, SENI DAN BUDAYA

GARIS PANDUAN PERMOHONAN PEMBAHARUAN LESEN KENDERAAN PELANCONGAN BAGI SABAH, SARAWAK DAN WILAYAH PERSEKUTUAN LABUAN

1. SYARAT-SYARAT PERMOHONAN

- 1.1. Permohonan pembaharuan lesen hendaklah dikemukakan kepada Pesuruhjaya Pelancongan dalam tempoh sekurang-kurangnya tiga puluh (30) hari, tetapi tidak lebih daripada enam puluh (60) hari sebelum tamat tempoh sah laku lesen.
- 1.2. Syarikat tidak berada dalam tempoh penggantungan di bawah Seksyen 8 Akta 482 dan Seksyen 7 Akta 594, tiada pendakwaan sedang berjalan terhadap syarikat, tiada sebarang kompaun yang tertunggak di bawah Akta 482 atau Akta Pelesenan Kenderaan Pelancongan 1999 [Akta 594] (Sabah, Sarawak dan WP Labuan), dan tiada tunggakan pembayaran "award" Tribunal Tuntutan Pengguna Malaysia (TTPM).
- 1.3. Had usia kenderaan pelancongan yang dibenarkan untuk pembaharuan lesen adalah seperti berikut:

Bas Persiaran	Kereta Sewa Dan Pandu
1. Tempoh tidak melebihi 15 tahun dari tempoh pendaftaran. 2. Walau bagaimanapun, pembaharuan lesen kenderaan bagi tahun ke 14 dan 15 perlulah bebas daripada sebarang salahlaku undang-undang dan lulus ujian pemeriksaan PUSPAKOM.	1. Tujuh (7) tahun untuk 1,800cc ke bawah. 2. Sembilan (9) tahun untuk 2,000cc ke atas. 3. 10 tahun untuk pacuan empat roda.

Nota:

- i. Bagi **kenderaan import terpakai**, usia kenderaan dikira berdasarkan tahun diperbuat (rujuk salinan sijil perakuan pemilikan kenderaan dari JPJ).
- ii. Bagi **kenderaan pemasangan tempatan**, usia kenderaan dikira berdasarkan tarikh didaftarkan dengan pihak JPJ.

2. DOKUMEN SOKONGAN

- 2.1. Salinan Lesen Perniagaan Pengendalian Pelancongan Dalam Negeri (*Inbound*);
- 2.2. Salinan lesen kenderaan pelancongan;
- 2.3. Salinan sijil pemilikan kenderaan daripada JPJ; dan
- 2.4. Salinan laporan pemeriksaan daripada PUSPAKOM.

3. TATACARA PERMOHONAN

- 3.1. Permohonan hendaklah dibuat secara dalam talian melalui sistem Tourism Licensing & Enforcement System (TOURLIST) di laman sesawang www.tourlist.gov.my.
- 3.2. Semua dokumen seperti dinyatakan di perenggan 2 hendaklah dimuatnaik ke dalam TOURLIST.

4. FI MEMPROSES

Fi memproses sebanyak **RM20.00** dikenakan bagi setiap permohonan yang dikemukakan. Bayaran boleh dibuat dalam bentuk Bank Deraf/Kiriman Wang atas nama Pesuruhjaya Pelancongan atau secara dalam talian di www.tourlist.gov.my.

5. KEPUTUSAN PERMOHONAN

- 5.1. Keputusan permohonan boleh disemak melalui TOURLIST

5.2. Bagi permohonan yang DILULUSKAN:

Syarikat hendaklah menjelaskan fi lesen dan mengembalikan lesen asal. Lesen yang telah diperbaharui boleh dicetak melalui TOURLIST.

5.3. Bagi permohonan yang TIDAK DILULUSKAN:

Syarikat berhak mengemukakan rayuan secara atas talian melalui www.tourlist.gov.my dalam tempoh 30 hari dari tarikh surat pemakluman keputusan lesen dikeluarkan dengan mengemukakan dokumen sokongan yang berkaitan. Rayuan hanya boleh dibuat sekali sahaja kerana keputusan rayuan adalah muktamad.

6. TEMPOH KELULUSAN LESEN

- 6.1. Tempoh sahlaku lesen adalah berdasarkan tempoh sah lesen Perniagaan Pengendalian Pelancongan Dan Perniagaan Agensi Pengembaraan (TOBTAB) atau tidak melebihi tiga (3) tahun atau berdasarkan had usia kenderaan (yang mana dahulu).

7. FI LESEN

- 7.1. Fi lesen hendaklah dikemukakan apabila permohonan diluluskan dalam bentuk Bank Deraf/Kiriman Wang atas nama Pesuruhjaya Pelancongan atau bayaran secara dalam talian di www.tourlist.gov.my.
- 7.2. Fi Lesen adalah seperti berikut:

JENIS KENDERAAN	FI LESEN (RM)
Bas Persiaran	60.00 setahun / unit
Kereta Sewa Dan Pandu	40.00 setahun / unit

8. PENGEMBALIAN LESEN (SERAH BATAL)

- 8.1. Sekiranya tiada permohonan pembaharuan dikemukakan dalam tempoh yang ditetapkan, pemegang lesen hendaklah dalam tempoh empat belas hari dari tarikh habis tempoh lesen mengembalikan lesen tersebut kepada Pesuruhjaya secara atas talian melalui www.tourlist.gov.my (Merujuk kepada peruntukan di bawah Seksyen 12, Akta 594).
- 8.2. Kegagalan pengusaha pelancongan mematuhi perenggan 8.1 di atas boleh menyebabkan syarikat dikenakan tindakan undang-undang.

9. PIAGAM KELULUSAN/PELANGGAN

7 hari bekerja apabila bayaran fi pemprosesan telah dibayar serta permohonan lengkap, teratur dan sempurna diterima daripada pemohon.

10. SYARAT DAN TERMA LESEN

- 10.1. Pemohon boleh memegang dua lesen atau lebih, sama ada daripada kelas kenderaan yang sama atau kelas kenderaan yang berlainan.
- 10.2. Lesen hendaklah dipamerkan pada cermin depan sebelah kiri kenderaan pada setiap masa.

- 10.3. Kenderaan pelancongan hendaklah mempunyai perlindungan insurans termasuklah liabiliti penumpang.
- 10.4. Bas persiaran hendaklah menggunakan perkhidmatan pemandu pelancong yang dilesenkan oleh MOTAC melainkan pengecualian telah diberikan oleh MOTAC.

11. PERINGATAN

Pesuruhjaya boleh membatalkan sesuatu lesen/ mengambil tindakan di bawah Akta 594 jika dia berpuas hati bahawa pengusahaan pelancongan berlesen itu telah, sama ada berkaitan dengan permohonan untuk lesen itu atau pada bila-bila masa selepas pemberian lesen, sama ada secara lisan atau bertulis memberi kepada Pesuruhjaya maklumat, dokumen atau perisytiharan yang palsu, mengelirukan atau tidak tepat yang dibuat oleh atau bagi pihak pengusahaan pelancongan itu atau oleh atau bagi pihak mana-mana orang yang adalah atau yang akan menjadi pengarah, pengawal atau pengurus pengusahaan berlesen itu.

12. TARIKH KUAT KUASA

Garis Panduan ini adalah berkuat kuasa mulai 1 Disember 2025.